



**B**erico ob egregias uirtutes communi Sueonū & Gothorum consensu utriusq; regni monarcha circiter annum à diluuiō octingentesimum tricesimum sextum (si rectè Ioannes Magnus Upsalensis archiepiscopus lib.1. cap.14. suæ Gothicæ historiæ supputat) cōstitutus fuit. Erat is annus mundi 2493. Is cum uideret Septentrionalis Germaniæ populos ob sobolis multiplicationem diuturna licētia maiori ex parte ad cædes & rapinas audacissimos factos, prudenti consilio statuit aliquos ex patria in alienū solū ablegare. Cum aut id armis efficere nō posset, faciēda oratiōe subditis persuasit, finitimos Esteones, Liuones, Finingos, Curetes, Ulmeringos, & alios ad Septentrionem populos bello petendos esse, quō manus suas nō in ciuiū sed hostium sanguine cruentarēt, atq; illorū terras occuparēt.

Hæc sentētia nō tantū uiris, sed etiā mulierib. summopere arridebat, ita ut illæ armis assuetæ uiros ipsos ad arma capescēda inflāmarēt. Itaq; factū ut plures domo egredi q̄ remanere proposuerint. Hisce sese Berico rex ducē præbuit, atq; Humulū filiū suum primogenitū in paternis sedib. suo loco regē reliquit.